



UNIVERSITÄTS-
BIBLIOTHEK
PADERBORN

Mariae Virginis Sacratiss. Miracvlorvm Libri Tres

Vismara, Ercole

Mediolani, 1579

Mirac. Virg. XX. Mirabiliter Virgo dignitatem sanctimonialis conseruat,
quae fugerat è coenobio, eamq. ad illud reuocat.

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

niens episcopus, grauitèr à se reprehensam reã è con-
spectu suo abire iussit: quae omnia aequo animo fe-
rens, lubenter ab obstetricib. se inspici passa est, ut pe-
riculum fieret, & exploraretur, an id, de quo accusa-
batur, uerũ esset. Illae aluo minimè ingrauescente re-
perta ad episcopum, rem falsam esse retulerunt; qui
ad eius pedes se abijciens, ueniã orauit, illuc à se om-
neis quae ipsam eo crimine insimularant, continuo
abire iubens. At ipsa sub recõditae cõfessionis sacra-
mento, rem, uti euenerat, fideliter episcopo narrauit;
cui ille piè, & sanctè pacem dans, ad eremitam, pios
sacerdotes misit, qui filium perquirerent. Illo reper-
to, testatus est eremita, ad se noctu eum allatũ fuisse,
sibiq. Virginis uerbis à duob. iuuenib. fuisse commẽ-
datum. Ea res maximam pio Antisti admirationem
adtulit; & infantem usq. ad septennium sancto eremi-
tae nutriẽdum reliquit; qui, ubi ad maturiorem aeta-
tem peruenit, & uitae sanctitate, & sciẽtia dignus ui-
sus est omnib., qui in episcopatu succederet.

MIRAC. VIRG. XX.

*Mirabiliter Virgo dignitatem sanctimonialis conseruat,
quae fugerat è coenobio, eamq. ad illud renocat.*

Batrix, Virgo Deo consecrata, corporis forma
excellenti praedita, quae se Virgini colendae
penitus dederat, tunc demum capiebat so-
lidam animi laetitiã, cum secretò secedere poterat,
ut alijs curis soluta Deum precaretur, eiusq. pacem
imploraret. Facta aeditua & custos, saepius secedẽs

R ardentiori

ardentiori studio in precationem incumberebat. Huic oculos clericus adijciens, in sano amore correptus est, qui ardentem flammam illi aperiens, repulsam passus est. Verum miser, quò magis ab ea se contemni sciebat, eò maiorem in pectore ignem concipi sentiebat. Ab incepto iam ipse desistebat, cum mulier magis impotenti amore flagrare, & inflammari coepit. Itaque relictis super sacello templi, ac coenobij ianuarum clauibus, cum prius Virginem quibusdam uerbis compellisset, è sacris septis erumpens, perditam, & malè conciliatam amantem secuta est. Eam pollutam, & uirginitate spoliatam, dignum foedi amoris praemium, ille deseruit, & à se expulit. uictu iam deficiente, se publicè prostituit. In terribissimo illo, & indecoro uitae genere multos annos delituerat. Denique ad coenobij, è quo effugerat, ianuam se conferens, è custode percunctata est, quid Beatrix olim custos ageret. Responsum fuit, in Beatrice, à teneris usque ad illud tempus, spectatam semper, & probatam fuisse uitae integritatè. Ea uerba animo expendens Beatrix, quid sibi uellet, percipere non poterat, illincque discedebat. At illi se obuiam dedit mater Dei, quae mulieris formam ceperat, atque ita eam allocuta est. Quindecim annos te absente, o Beatrix, uice, ac munere tuo hic functa sum; nunc par, & aequum est, ut huc tu redeas, tuumque officium ipsa praestes; & te iam tandem eorum, quae admisisti, poeniteat. Nemo turpiter anteaetate uitae tuae conscius est; sed hominum de te praeclara est estimatio. Illud euenerat, quia ipsa Virgo Beatricis imagine capta, diu custodis munus obierat. Redijt illuc Beatrix, ubi se Deo prius consecrasset; & supplex

Virgini

Virgini perpetuas gratias agens, in tam immortalis beneficii praedicando reliquum uitae consumpsit.

MIRAC. VIRG. XXI.

Ab adulterij peccati consuetudine mulier abducitur.

Militis uxor, a caco daemone impulsu, cum altero milite adulterium admisit. Post aliquot dies diuino afflatu instincta, ob illud crimen, grauissimum dolorem cepit; statuitq. ab illo omnino se abducere. At non ita ad altero decretum erat, qui nactus occasionem, dum mulieris maritus aberat, eam uti consueuerat, ad adulterium prouocauit. Cum illa minimè ei obtemperare statuisset, ut stuprum inferre conatur miles. ipsa, quae ab illius uolentia se minimè tutam esse existimabat; ad castitatis reginam confugit, illam obsecrans, ut se à nefandis militis manibus, per sanctissima illa uerba, AVE MARIA, eriperet. His uerbis statim militis uires omnes prostratae, & abiectae conciderunt; ita ut eo tempore incorrupta mulier euaserit; neq. amplius eam ipse postea, aut eius pudicitiam attentare ausus fuerit.

MIRAC. VIRG. XXII.

Adolescens, quem Satan in pudicae matronae amorem coniecerat, Virgine iuuante, se recipit.

Tyro adolescentulus Veterano militi inseruiens, unà cum eo aetatem agebat. Is, licet forma ex-